



Arubaanse Courant

ANJA 25

Dialuna 16 December 1963.

No. 4818

CELEBRACION DIA DI STATUTO NA ORANJESTAD

Commemoracion

na Wilhelmina Park

Oranjestad, 16 December.

Ayera mainta, ariba dia 15 di December, e fecha ariba cual 9 anja pasa e Statuto a worde firma na Den Haag, a tuma lugar na e monumento di defunto Reina Wilhelmina na Oranjestad, conmemoracion di e echo cu Antillas Hulandes e tempo ey a hanja su autonomia y e mes un derecho cu e otro partinan den Reinado Hulandes. Cuminsando banda di 9'or Marijke Band a haci un marcha door di Oranjestad door di callanan na bandera, mientras cu pa 10'or e ceremonia oficial di e conmemoracion a cuminsa na Wilhelmina Park.

Orador a sigui muestra con na cuminsamento, esta despues di 1954 e prome trabao tabata forma

mento di e gobierno segun leyman nobo di Reinado, pero cu pronto e accento mester a worde pasa

Na ocasion di ceremonia di Dia di Statuto, ayera mainta na monumento di Reina Wilhelmina, na promer lugar bandera Antillano y Hulandes a worde hisa pa marinierman (potret), mientras cu gezaghebber interino I.S. de Cuba y vice presidente di Staten senyor O. Croes a pone un krans na pia di e estatua di defunto Reina Wilhelmina (potret).

pa e puntanan dieconomia, pa haci e extencion di e base di progreso cual tabata necesario posibel. Y aki e espiritu positivo y enlase sin obligacion a worde muestra claramente, door di e yudanza cu nos a ricibi for di nos partner Europeo den Reinado, cu kende su yudanza nos a logra cuminsa e planan grandi di desaroyo.

Promer cu el a termina su discurso cortico, sr. I.S. de Cuba a muestra ariba e alegria y satisfaccion cu ta reina ariba dia di Reinado 1963, y di otro banda gratitud y respect pa defunto Prinses Wilhelmina kende tempo cu e tabata Reina di Hulanda na 1942 a priminti na London e autonomia di e teritorio nan aki. Y tambe gratitud y respect pa Su Mahestad Reina Juliana bao di kende su gia inspira, e Statuto a bira un realidad, y tambe e hefenan di estado cu despues di e promesa di La Reina a haci lo posibel pa logra e iniciativa aki.

Gezaghebber interino a termina cu un, "Biba La Reina, Biba Reinado, Biba Antillas y Biba Aruba". Despues el a pone un krans di flor na pia di e monumento.

E siguiente orador tabata vicepresidente di Staten, senyor O. Croes. Den su discurso ela bisa e.o:

"Dia 15 december 1954 ora cu solememente "Statuut" a worde firma door nos Reina stimá Juliana y representantenan di

Surnam y Antillas; a sosode pa nos na Antillas, na Aruba; algo grandi. Nos a haya autonomia. Nos a haya nos mes gobierno. Nos a bira baas den nos cas

Nos a haya completo libertad y completo responsabilidad. Antillas a haya den su manera decente, keto y yen di dignidad independencia -algo cu otro nacionnan di mundo mester a drama hopi sanger, a perde hopi hende pa nan alcanza, Nos por yama nos mes dichoso pasobra e pueblo Antillano, e pueblo Arubano ta hecho pa e responsa-

bilidad aki y tin hombernan capaz y cu amor y sintimento di responsabilidad aki y tin homber

Nos por yama nos mes dichoso pasobra e pueblo Antillano, e pueblo Arubano ta hecho pa e responsabilidad aki y tin hombernan capaz y cu amor y sintimento di responsabilidad pa guia nos destino.

Senyor Croes a continua su discurso repasando e proyectonan cu durante e anjanan cu a pasa a worde traha. Refiriendo na esaki el a sigui bisa:

"Statuut ta locual a habri e igualdad entre nos cu Hulanda. Statuut ofrece e oportunidad pa un yuda otro den nan necesidad segun cu por. Y ta asina cu Hulanda ta den posicion di por yuda nos den e necesidad cu Aruba tin awor. Pues, nos ta altamente gradecido na e gran yudanza aki. Nos no ta klá ainda y Hulanda sabi esaki. Nos ta confia cu mas ayudo financiero y technico for di Hulanda pa alcanza nos meta, cuai ta pa tene Aruba un isla progresista. Un isla caminda tur hende por biba decentemente. Un isla cu lo tin prosperidad, tranquilidad, paz y pan

Despues cu e vice-presidente di Staten tambe a pone un krans na pia di e Statuto, Marijke Band a toca Wilhelmus, cu cual e ceremonia a yega na su fin.




MENTHOL FRESH

RICH TOBACCOTASTE

MODERN FILTER TOO

FATUM - Tel: 1845
pa tur bo aseguronan



INSIDE EACH CAN OF LIBBY'S VEGETABLES YOU WILL FIND EXCELLENT COLOR, TASTE AND TEXTURE. AL ARE QUICK-CANNED TO PRESERVE THEIR FINE FLAVOR. THEY ARE GROWN IN SELECTED PRODUCING AREAS IN ORDER TO BRING YOU THE BEST. SO EASY TO PREPARE - AND SO GOOD FOR YOU.

N.V. Winkel's Handel Mij.

Celebracion...

continuacion di pag. 1

Na e ceremonia tabata presente ministranan E.O. Petrona, Lope Beaujon, tur e deputadonan, hefenan di servicio di gobierno, comandant di marinieran di Savaneta, representantenan di Staten sr. C.C.J. Baillieux y hopi prominentenan mas di comunidad. Despues cu Marijke Band a tuma su lugar na banda drechi dilanti e estatua y e Fuerza Arma di Marinianan di Savaneta a tuma lugar na banda robes, e bandera di Antillas y Hulanda a worde hisa pa marinieran. Maestro di ceremonia sr. N. Pina Lampe a yama tur presente bon bini y a presenta e promer orador di e mainta, Gezagehebbor Interino I.S. de Cuba.

Para dilanti di e estatua di Prinsesa Wilhelmina, tras di un "bateria" di microfononan, sr. De Cuba a dirigi palabra na e presentenan recordando e gran echo cual a tuma lugar nuebe anja pasa na Hulanda. E firmamento di e Statuto el a yama algo cu tabata oportuno y necesario, cual a duna hopi frutanan. Pero tambe el a muestra cu den e documento aki, tin cierto decisionan, cualnan por forma pro-

blemanan na interpretacion di nan of ora haci uso di nan. E Statuto a worde traha pa hende y como un producto di hende, su contenido naturalmente por worde cambia, segun e gezagehebbor interino.

F. v.d. Veen hefe di generale staf

Den Haag, 13 Dec. E minister di defensa, senyor P.S.J. De Jong, a caba di participa den Tweede Kamer qu e actual comandante di e prome cuerpo di ehercito, teniente general F. van der Veen, pronto lo worde nombra chef di general e staf. Teniente general van der Veen lo sigui teniente general A. van den Wall Bake den e puesto ey quende ta conoci na cuminsamentu di siman pasa a pidi pa e worde destitui di su puesto pa motibo di un desunion entre e y e minister tocante reorganizacion di e ministerio.



KLOMPEN KLUB



"Sitio Mas Dibertido Di Aruba"

STREA DI E SHOW

FOR DI AWE ANOCHI, 16 DI DECEMBER 1963.

Barbara Buchanan

un voz excepcional

Show ta cuminsa 10'or p.m.

KLOMPEN KLUB TA ABRI DI 7-2 P.M.
RESERVA BO MESA NA TEMPO CERCA MAITRE D'HOTEL
KURT HAIDL - TEL. 2250

PRIMA

hotel

CASINO

CUSHINA

SERVICIO

aruba

PRIMERA CLASE

CARIBBEAN.

VALSPAR

Sin ningun duda ta di mehor!
Verf pa muralla, kozijn, kashi etc. tambe heru cu e famoso verf marca VALSPAR.

Pa boto nos tin especial: MARINE VALSPAR y..... bo a tende caba di nos plan di spaar pa cumpramento di verf pa luna di december?

Pa mas informacion jama:

ANTILLIAN MERCANTILE CORP.

Oranjestad tel. 1145

San Nic. tel. 5635

YABI

Pa bo exito !

NOS A CABA DI RICIBI UN EM-BARQUE NOBO DI



ZAPATO PA CABALLEROS

- * calidad excelente
- * ultimo modelonan
- * prijsnan masha atractivo

tambe : pa damas un surtido precioso di pijama di seda brocada, bistir, kimona y cock-tail-jacket di dos banda.

PALAIS ORIENTAL

(dilanti Banco Hulandes na O'Stad)

BO A CORDA PIDI GAS CABA?

Aruba Gas Supply
tel. 1898



ORA PA HABRI UN ASEGURU TA PROME CU E ACCIDENTE SOEDE!

Pa mas informacion tocante

„ONGEVALLENVERZEKERING,,

jama of bishita

N.E.N.

Nassastraat 94B - TEL. 1176 - 1337

PA MOTIBO DI VIAHE TA BENDE

Tur muebles pa cas, na prijs razonable!
Tur taden bon condicion!

Pasa mira na:

EAGLE COLONY No.30
of jama tel. 2689.

TA SOLICITA

2 damas pa traha den Laundry.

Pa inf: Acudi na Basi-Ruti,
of jama tel. 2222

FOR SALE 1 SPORTS-CAR

„Sunbeam-Alpine,,
1961

Cheaply Priced

For information

TEL. 2116 - 1116

NAN A BIAHA

NAN A HAYA



SI Bo cumpra

lo e muestra

E CAMINA PA DIOS

Y CON PA HAYA

Pa D.L. Moody

na:

LIBRERIA VICTORIA

Nassastraat 78a - Tel. 2683

CHRISTIAN LITERATURE

CENTER

Lagoweg 2.

Publica na

EDITORIAL EVANGELICA

(RADIO VICTORIA-Station bleu)

KING SIZE COCA-COLA



BOTICA ARUBA

Personal competente

Maquinaria moderna

Servicio excelente.

Jama No. 1080-1080
of 1180

y nos ta busca bo recept y entrega e remedi na bo cas.

PANAMA STORE

Adolf Groder - San Nicolaas e adres na unda bo ta cumpra pa henter familia y ainda resta placa.....

Especialmente pa PASCU nos a ricibi un lote grandi di mercancia nobo. Tambe nos ta bon surti den muebles pa drecha bo cas pa dianan di fiesta.

Palabra ta poco, bini un ratu y welta pa bo mes!

Percura pa bo ta completamente „CLA,, pa fiestanan venidero...



* Un PEINADO MODERNO cu ta fit bo style

* Cosmetico cu ta bai bon cu bo cutis

Pasa serca nos y convence bo

Cidia's

Beauty Salon

B. v.d. V. Zeppenfeldstr. 21-A

Tel. 5814

(Banda di teatro Principal)

GIVE A PET FOR CHRISTMAS



tur sorto di pajra, tambe cuminda pa pisca, y pajra, jaula etc.

ANGELICA'S VOGELHUIS
(dilanti radio-keikboom)


Pa bo histi un par di zapato chic

y elegante, ta solamente na LA

LINDA bo por scohe algo com-

pletamente na bo gusto. Haci un bishita awe mes na:

La Linda





Desde Diarazon ultimo ta canta den Klompen Club di Aruba Caribbean Hotel un cantante femenino Mericano di Brooklyn: Barbara Buchanan. Barbara kende ya desde 1954 tabata worde conta como un di e cantantenan Mericano di clase major, anteriormente a cuminsa como maestra. Pero ora cu el a ripara cu nan tabata tende mas mihor na dje ora cu e ta riba podium elumina pa luznan grandi cu dilanti di klas, el a tuma despedida pa semper for di su alumno nan. Su numbernan di gran calidad na e momento ta "Good man is hard to find", "Autumn Leaves", "Sister Kate" y "Bewitched" bothered and bewildered". E ta canta den nueve idioma y ya a pasa door di mitar mundo cantando. Paris, Tokyo, Hongkong, y casi cada ciudad grandi na Canada y E.U. Lo e keda den Klompen Club te Pasco.

CUMPLEAÑOS

Dia 12 di Dec. a cumpli 19 anja Filomena Gandeloupe Fingal, felicitacion ta bini di su mama, tata, 11 rumannan, pepenan Tomasita y Fafa, omonan, tantanan primo y primanan, amiganan Imelda, Nidia, Lucia, su cunja Lucia Fingal.

Dia 13 di Dec. a cumpli anja senior Jopie Bergrok, felicitacion ta bini di su estimada esposa Elsa Bergrok, juinan Humphrey, Richard, Elvis, Sandra y Julius, mama Barbara Franken, tur su rumannan y demas famia Bermudez, Franken y Bergrok tur su amigonan di Bouwmaatschappij Aruba.

**AWOR! PA
CADA AUTO
NOBO CU BO
CUMpra UN
TV EMERSON
REGALO!**




**Oferta especial
pa temporada
di Pasco**

Si durante luna di december bo cumpra na garashi di ARUBA TRADING COMPANY un auto nobo di cual-



kier prijs, bo
t a h a n j a

COMPLETAMENTE GRATIS, un



bunita televisor

EMERSON di re-

galo##

Pasa serca nos pa mas informacion tocante e o-

ferta aki! Cumpra AWOR un auto nobo na

Aruba Trading Company

Garashi - Departamento di auto

Rondweg 1


Dia 16 di Dec. ta cumpli 3 anja e hobencito Hubert Henricus, felicitacion ta bini di su mama Imelda, tata Felis, rumannan Cobi y Stany, welonan Joonchi Henricus y Eusebio Ras, welanan

Martina Henricus y Catharina Ras, omo y tantanan, primo y primanan, padrino Nicolaas Gomez, madrina Emerita Koolman y demas famia Ras, Henricus, Gomez, Croes, Boekhoudt, Wernet.

AVISA DEN

ARUBAANSE COURANT


**IT'S A HIT!
OUR FABULOUS**



HOLIDAY

BALLOON

FESTIVAL



Just imagine! You can have a lot of fun and win fabulous prizes by shopping in our stores. Both stores, in San Nicolas and Oranjestad have been gaily decorated with balloons. On each purchase of 25 guilders or more during the month of December you can pull a balloon and burst it... and get a wonderful prize!! Don't miss this opportunity, do all your Holiday shopping at

**ARUBA TRADING COMPANY
&
PHOTO EL GLOBO**

ORANJESTAD

SAN NICOLAS

De ondergetekende banken op Aruba maken hierbij bekend, dat op 24 en 31 december a.s. hun kassen tot 12 uur geopend zullen zijn.

ARUBA BANK N.V.

ARUBA COMMERCIAL BANK

BANCO POPULAR ANTILIANO N.V.

CARIBBEAN MERCANTILE BANK N.V.

HOLLANDSCHE BANK-UNIE N.V.

Gezaghebber ta contra hisamento di salario

Nivel di salario na Aruba mas haltu den Caribe

Oranjestad, 16 December.

Den su respuesta na eilandsraad Gezaghebber Henriquez a duna un splicacion amplia di e des-ventahanan cu tin na hisamento di salario y e hacimento mas cortico di siman di trabao.

A resulta cu Gezaghebber no ta di acuerdo cu ningun di e dos proposicionnan aki. E hacimento mas cortico di e siman di trabao por tin un influencia malo riba e plannan di gobierno pa curasha establecimiento di industria.

E cuestion cu e declaracion di diferente miembronan di raad, cu tumando e aumentacion di costo di bida na cuenta ta deseabel pa tin un aumentacion di salario den e diferente servicionan di gobierno, presidente O.S. Henriquez a bisa, cu aki ta trata di un politica di salario en general. El a splica, cu tin untemor fundá cu e aumentacion di salario na gobierno lo hisa nivel di salario na henter Aruba. Senor Henriquez a bisa, cu puntra su mes si esaki ta responsabel pa motibo di e echo, cu e nivel di salario na Aruba ya ta esun di mas haltu den e territorio di Caribe. Alavez el a bisa aserca cu politica di salario ta un asunto di Land cruza esun di Land. B.C. di Aruba ta preferi pa laga esaki libremente na ministro pa e pone su mes politica tocante esaki. Contestando e preguntanan en cuestion cu ponemento di un siman di 40 ora di trabao na Lago v gobierno, senor Henriquez no abata di opinion cu esaki lo haci mucho diferencia. El a duda cu si Lago cuminsa cu 40 ora di tra-

baio pa siman lo esaki para e lay-off poco. Pues hacimento di oranan di trabao mas cortico, ta nifica segun orador a splica hisamento di e factor di salario den e gastonan di e producto final. Pero si e producto final bira mas caro tanto Lago ta obliga pa haci factor di gastonan cu a subi menos, v esaki por nifica atrobe mas lay-off. Tocante di e declaracion cu a worde haci den raad cu si Lago dicidi di duna cuarenta ora di trabao pa siman gobierno no tin di mete den esaki, e presidente a bisa, cu tal cos no por worde spera for di gobierno, como cu un 40 ora di trabao pa siman, endudablemente lo tin influencia ariba mercado di trabao, politica di salario y pues henter e economia, asuntonan pa cual gobierno ta carga responsabilidad. Pero alavez senor Henriquez kier a laga e punto aki i Land trata. Alavez e tabata di opinion cu e aumentacion di salario y trahmento di 40 ora pa siman lo no curashá e establecimiento di industrianan nobo.



Diadomingo atardi cuat'or ministro E.O. Petronia a entre, a copa na e ganadornan di e torneo di domino, organisa pa Sport en Sociale Vereniging van de Posterijen Aruba. Na drechi nos ta mira Rubi Harms cu a caba di ricibi e copa pa campeon di torneo pa e departamentu W.E.B. cu a gana esaki. Na robes ministro Petronia y den centro, senor Milo Croes, presidente di S.S.V.P.A. cu a organisá e torneo di domino aki entre e diferente departamentonan di gobierno, tambe nos ta mira srta. Dorilla Habibe, Reina di Deporte 1963.

Representante IFPW

San Nicolas, Den e ultimo dianan aki e directiva di Independent Oil Workers Union of Aruba (I.O.W.U.A.) diariamente tin deliberacion cu otro tocante di e Convenio Colectivo Nobo di Trabao, ariba cual nan ta trahando duru pa presenta pronto na Lago. Segun nos a worde informa pa e presidente di e union, senor F.L. Maduro, senor John Rojas, senador di Trinidad, kende na luna di oktober ultimo a haci

un bishita na Aruba, como vicepresidente di International Federation of Petroleum Workers lo yega Aruba awe. Na luna di october su bishita tabata trata di un orientacion tocante e dificultadnan cu I.O.W.U.A. tabatin cu e casonan dilanti huez, pero e biaha aki e ta bin duna informacion na e directiva di I.O.W.U.A., kiko ta e reglamentonan di I.F.P.W. y si nan afilia, kiko ta nan debernan, loke nan por haci y n por haci etc., esta un informacion amplio tocante di afiliacion na I.F.P.W. E afiliacion di I.O.W.U.A. internacionalmente probablemente lo tuma lugar cu C.L.A.S.C. u I.F.P.W. esta si den e referendum cu lo tuma lugar otro siman, mitar y uno di e miembronan di union declara di ta pro afiliacion, esaki segun nos a gorda

Pa drenta den servicio nos ta busca:

UN SALESMAN ACTIVO PA NECESIDAD DI SCHOOL Y OFICINA

Exigencia: edad 20 - 25 aña por papia Pa-piamiento y Holandes

Salario: salario cu comision

Trabao: haci negoshi cu schoolnan y oficinanan.

Solicitacion por worde inscribi bao letternan A.V. na oficina di e diario aki
Nassastraat nr. 85 - Oranjestad.

Damas.....

Un marca di zapato masha conoci pa su calidad y elegancia ta e marca LOMBARDI.

Ayera nos a ricibi un surtido bunita y nobo, di cuero fini (tambe paden) y na prijs razonable.

Tambe un surtido elegante y barata for di Canada y Hulanda.

Bishita Zapateria HARTOG awe mes y bo tambe lo bay bisa

Tur Zapatu tin su pia, pero pa tur pia ta

HARTOG

tin e zapatu di mas mihor.

Cu alegría y gracia na Dios nos ta participa cu nos familia a worde bendiciona cu un yu muher y ruman

Pauline Jacqueline

Pedro Jacobo Geerman

Dolorita Geerman - Kelly

Lydia

Esther

Ruth

Aruba, 14 December 1963

Tanki Leendert 251-A

Temp. San Pedro Hospital.

RIP KIRBY

pa cortesia di:

JAN BODEGOM & CO. (ARUBA) N.V.

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE**

RIP KIBRY 5-14

1. "Mi ta bai cu bo pa ataca 'Siroco' Berdad, querido? No, Martha, no bini cu e cos ei."
2. "Ja bo a haci bo parti y ...Chito, ja mi tatende Chin-Chel"
3. "Mi no ta gusta esey, perokiko mi por hasi?"



Deputado Tromp: Deficit ariba presupuesto probablemente lo worde elimina

Corrupcion na Nigeria

Oranjestad, 16 December.

Importante tabata e declaracion di deputado F. J. Tromp, cu e deficit ariba e presupuesto pa 1964 di teritorio insular di Aruba, probablemente por worde elimina. Proposicionnan tocante di esaki, na unda lo tin cuenta di hisamento di belasting, e deputado lo presenta na raad otro anja.

E presupuesto a worde prepara cinco luna pasa door di nos college y naturalmente a worde traha e ora masha hopi cu calculacionnan. Pa motibu di un politica financiero cu cuidao B.C. a tene cuenta seriamente cu diferente posibilidadnan di deficit na trahamento cu e cifranan. Awor cu nos ta cinco luna mas aleu por worde participa, cu e deficit ta muestra mas favorable y hasta tin muestranan cu e por worde kita por completo. Segun e deputado cu a priminti di bolbe extensamente ariba esaki na 1964.

Proyecto

Como proyectonan pa 1964 deputado a menta e extension di e muraya di haf na Oranjestad, extension di Aruba Caribbean Hotel, extension di fabrica di awa, empresa di salo, extension di aeropuerto, construccion di schoolnan y construccion di un fabrica di caustic soda ya ta hopi leuw caba. Orador a priminti di lo delibera cu ELMAR tocante di ponemento di carchinan na e meternan mescos cu e ponemento di un tariva special pa empresanan cu ta gasta hopi awa manera restaurantnan y lavanderianan. Loke ta trata di un bahamento general ditativa di electricidad senyor Tromp a declara cu B.C. ta diligente den esaki y cu un tal bahamento enberdad "ta di gran necesidad". Limpimento y ploegmento di cunucunan gratis, senyor Tromp

tabata hanja poco di mas. "Nos ta haciendo esaki caba pa un tariva masha favorable y B.C. semper ta duna yudanza ora cu e por den asuntonan di agricultura. Tur e proyectonan menta door di senyor Werleman segun e deputado cu excepcion di e fabrica di cement ta para ariba e promer fase di e plan di 10 anja, cual ta cuminsa na 1964. Ariba e pregunta di senyor Werleman tocante di un cooperacion agriculturna pa alo, deputado a duna di conoce cu ya e plantadonan ta estableciendo tal organisacion.

Asina cu e opinion di Hulanda ta conoci tocante di e promer fase di e plan di 100 anja, cual ta na Hulanda pa aprobacion, B.C. lo informa raad tocante di tur e specialidadnan tocante di e promer periodo aki. Na e plannan di un fabrica di fosfozuur, segun deputado Tromp, tur prioridad ta worde duna. E proposicion pa contruccion di un oficina di Ontvangerskantoor pa yuda na Santa Cruz, senyor Tromp kier a tuma na estudio.

Contestando e preguntanan di senyor Dominico Flemming tocante di plannan nobo di hotel, e deputado a declara di ta contento cu oposicion ta muestra interes pa e politica progresivo di B.C. Segun e deputado na e momento tin dos grupo serio so cu ta interesá den trahamento di hotel na Aruba y esaki sin yudanza di gobierno. Probablemente senyor Tromp kier meen akinan, esun di Kozloff

& Jones, bond di Aruba Caribbean Hotel, y e esun cu un Puer torikenjo kier bai traha na e antes plantashi di Ecury. Red). E hotel Nour Mahjal di senyor Diego Blascoeshea, cual lo a worde traha na Palm Beach, a caba na nada.

POLITICA

Ariba e declaracion di senyor D. Croes cu B.C. no ta hibando un politica economico, senyor Tromp a bisa cu e gastonan di personal den servicio di gobierno na 1962, tabata 33.76% di e gastonan total cu Aruba tabatin, na 1963 ta 37.42%, pero ariba e presupuesto di 1964 esaki ta 36.70%.

AEROPUERTO

En cuestion cu aeropuerto, B.C. entre tanto a tende for di K.L.M. cu Aruba, asina cu e aeropuerto ta cla lo worde tuma por lo pronto den e ruta di jetnan for di Antillas pa Merca. T.C.A. a haci tal participacion tambe. Segun orador Delta Air Lines semper tabata tin intencion di bolbe Aruba ora cu e aeropuerto pa jet ta cla. En cuestion cu un compania di aviacion es-

tranhero cu a bin Aruba y cu tabatin interes pa tene vuelonan interinsulario, e deputado a bisa cu aki tabata trata di un bishita di informacion y cu e resultadonan tin di worde spe-

ra. E industrianan chiquito segun e deputado tin completo atencion di B.C. Bahamento di prijs di awa tambe B.C., segun e palabranan di e deputado, lo kier tuma na estudio. "Durante pe-

lodo di e B.C. anterior e prijs di awa tabata 1.85 florin, awor e ta 1.40 florin. E proposicion pa haci awor 1.30 forin B.C.

lo tuma tambe na estudio. "Tu-mamento di meter un bes den cada dos luna, manera cu senyor C.A. Eman a propone como un manera pa baha gastonan, senyor Tromp lo kier laga investiga. Esaki a parce "un bon idea". Aruba ta hanjando mas interes for di e bapornan di cruise, segun e deputado cu a mus- tra cu den e temporada pasa 10 bapor di cruise a bishita Aruba y cu e temporada veni- lero esaki lo ta 13, cu 2000 nas pasahero

Lagos, 13 Dec. Daily Times independiente a haci un peticion riba promer minister Nigeriano pa instala un investigacion pa sobornacion na gran escala qu ta tumando lugar den empresanan federal di estado.

E soborno di mas serio ta cometi den e empresanan aki, segun Daily Times. Segun tempu ta pasa prome qu nan haci un in- vestigacion pa mira si tin base pe cuentanan tocante sobornacio di ambtenanan aitu di Nigeria, lo bira mas dificiil pa kita e berguenza qu ta amenaza nos, segun Daily Times qu ta sali na Lagos.

Butler na Berlin

Occidental

Berlin, 13 Dec. E minister Ingles di exterior, Butler, a bishita Berlin Occidental, unda el a mira e muraya qu ta separa e ciudad na dos. Na e post di control "Charlie" el a combersa qu polis militar mericano.

Na e plaza Potsdammer e minister por a mira den e parti oriental di e ciudad for di un stellage di palu. Despues el a bisa periodista qu e tabata profundamente conmove ora el amira e muraya y el a ripiti qu Inglaterra y su aliadonan lo sigui defende libertad di e habitante- nan di Berlin y e ciudad. Despues e minister a bishita Branderbur- gerpoort y e cuartel general Ingles na Berlin.

Protesta di Alemania

Occidental

Bonn, 13 Dec. Gobierno di A- lemania Occidental lo protesta cerca gobierno Belgo contra di e presencia di e embahador di Alemania Oriental na un recep- cion oficial Belgo na Varsovia. Segun un bosero dje ministerio di exterior na Bonn a declara gobierno di Alemania Occidental ta masha sorprendi qu e casuali- Gad.

Ministerio Belgo di exterior a declara qu presencia dje emba- hador di Alemania Oriental ne recepcion pa Belgica no tabatin ningun significacion politico. Mi- nister Spaak tabata e huesped oficial dje gobierno Polaco y tabata normal qu e huesped lo organisa e recepcionnan Polaco. Asina qu tabata normal qu e embahador Belgo a dirigisus mes pa un contra recepcion pe lista di huesped qu protocol Polaco a stipula.

2L CISCO KID 7-9

1. "Uff"
2. "Nan a stop di tira! Mi ta bai ganja ta morto".
3. "(Despues) Pancho! Kico a pasa bo?

Esei ami ta puntra bo!

BUCHI ROBEZ

pa cortesia di:

PIET'S SODA FOUNTAIN

Tel: 1849

E mihor adres pa snacks, tur clase di dushi, softdrinks, ice-cream y revistas.




CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



Gezaghebber interino: R.C.A. TIN PRESTIGIO Y FAMA PA MANTENE Inauguracion di club nobo

Solito, 16 December.

Den presencia di ministro E.O. Petronia, deputado G. Oduber, pastoor Erkamp representante di Lago E. Byinton y esposa presidente di Hacing Club Aruba, John Merryweather, miembronan di R.C.A., representantenan di otro clubnan y invitadonan, a tuma lugar Diasabra anochi pa mas o menos 9'or e apertura oficial di e clubhuis nobo di R.C.A. door di Gezaghebber Interino di Aruba, sr. I.S. de Cuba, kende door di corta un sinta a haci e acto oficial aki.

Diasabra anochi Racing Club Aruba (R.C.A.), un di e clubnan deportivo di mas bieuw di nos isla despues di casi 30 anja di existencia a corona su trabao social y deportivo na Aruba cu e apertura di e club nobo.

Despues cu e invitadonan y presentenan a drenta e edificio nobo di e club, espacio y moderno caminda tabatin un gran cantidad di boekinan di flor t copan nan cual durante e anjanan cu a pasa a worde gana door di e diferente departamentonan deportivo di e club, maestro di ceremonio, miembro di directiva di R.C.A., senor Oscar Maruga a yama tur e presentenan bon bini y a gradici tur esnan cu a acepta e invitacion pa ta presente na e gran dia aki pa R.C.A.

Gezaghebber Interino I.S. de Cuba a tuma lugar tras di microfono como e promer orador oficial di e anochi. Orador a elogia e trabao cual a worde haci door di e presidente actual di e club, sr. J. Merryweather y e 200 miembronan kendenan a logra

realisa un deseo di hopi anja di e club. Segun senor de Cuba R.C.A. ta un club kende durante e 30 anjanan di existencia a logra obtene e campeon di voetbal 18 biaha, y cu pesel nan tin un fama y prestigio pa mantene esaki, pasobra door di e edificio cu nan a traha an a muestra cu nan por esaki. El a termina su corto discurso cu su mihor deseonan y felicitacion pa R.C.A. E siguiente orador tabata senor f.j. bouwman, ex-presidente y luchador pionier di R.C.A. E tabatin un cordial pablen pa e directiv y tu e miembronan di R.C.A., kendenan a muestra di ta trah pa nan club. Apoyando su miembronan di club pa mas cooperacion y amor pa R.C.A. el a muestra cu R.C.A. kler meen, RAacing Club Aruba, esta "ba padilanti" y el a termina bisando cu esaki ta su deseo pa tur e miembronan y R.C.A.

E presidente di Aruba Sport Unie, senor Tice Kuiperi, a muestra cu ARUBA ta conta cu orgullo di tin un club manera R.C.A. Un club cu ariba diferente ramo

di deporte a defende e color cora, blanco y blauw. Segun senor Kuiperi e edificio nobo di R.C.A. ta un trofeo mas na e coleccion grandi di trofeonan di e club. Tambe el a yama R.C.A. e organisacion cu den anjanan cu a pasa y te awor ta presenta continuamente estrellanan den diferente ramonan di deporte. El a menta nombr di veteranonan, manera Janny Brokke, kende tabata un estrella di R.C.A. ariba tereno di futbol y basketball e insivible Chas Loefstop, antes cajon di e team di voetbal di R.C.A., Edwin Dirks kende te PA termina senor Merryweather a dirigi algun palabra na Ingles especialmente pa senor Byington como representante di Lago na e apertura. DEN SU PALABRA

a e apertura. Den su palabranan a representante di e compania petrolera di Aruba, e presidente di R.C.A. a gradici e directiva di Lago masha hopi pa loke nan a haci. "Sin boso yudanza nos lo no a logra", segun senor Merryweather. Cu un brindis di champagne ariba prosperidad di R.C.A. senor John Merryweather a sera e parti oficial di e ceremonio di apertura despues di cual tabatin un fiesta bailable te den e ornan di marduga, mientras cu orgullo y miembronan di R.C.A. tabata muestra e invitadonan un parti chiquito di e coleccion precioso di copa gana na Aruba y na exterior.

ainda ta activo, e rumanan Kelboom. Promer cu el a termina su discurso cu su mihor deseonan, e presidente di A.S.U. a laga tende un aviso cual segun nos opinion mester word conse-

ha na tur club deportivo na Aruba, "Awor boso, miembronan di R.C.A. deportistanan di e club no bai pone deporte na e di dos lugar y bida di club na promer lugar." Segun e aviso di sr. KUIPERI.

E advisor spiritual di e club, pastoor Erkamp, a haci un comparacion entre e apertura di fabricanan di Bercadera ultimamente y e club di R.C.A. awor. E fabricanan di Bercadera ta pa duna hende trabao, trabao ta humano pa hende mientras cu e ta bon y saludable, y loke R.C.A. a duna durante e trinta anjanan cu a pasa ta ocasion pa forma, bon hendenan y saludable. Deporte haci den bon ambiente y direccion adecuado ta bon fundeshi pa bida humano cu ta haci bon Cristinan for di hende.

E ultimo orador di e anochi tabata senor John Merryweather actual presidente di R.C.A., bao di kende si u gla y inspiracion e edificio di e club a worde traha. El a conta con dos anja pasa ora cu el a worde nombra pa puesto di presidente di e club di R.C.A. tabata existi dos deseo entre e miembronan di R.C.A. Uno tabata pa trip na exterior y e otro pa construi un edificio nobo pa club, cual taba un necesidad. A worde dicidi na e ultimo, cual cu hopi lucha y trabao cu cooperacion di e especial comercio awor a keda inaugura. Segun e presidente dia 21 di februari di e anja aki, ora cu e promer piedra pa e club a worde poni door di senor Byington di Lago ningun hende por a kere cu e mes un anja e club lo ta cla. Ea

presidente tabata masha agrado na e cooperacion cu worde hanja for di hopi banda pero sin embargo e kier a ha un suplica na e miembronan pa nan sigui apoya nan club, moralmente y financieramente com ta pas pa bon miembronan un club.

Asunto di arroz di Surinam ta worde trata pa E.E.G.

Den Haag, 13 Nov. Manera conoci dia nuebe di december antayera a cuminsa e reunion marathon di e conseho di minister di EEG. Un di e problemanan agricultura grandi cu mester worde solucionan antes prome di januari 1964, ta e direccion di arros.

E minister Ulandes di agricultura, ta defende den e reunion e interesnan di Surinam en consecuencia qu e minister plenipotenciario di Surinam, quende na su turno tin contacto estrecho cu gobierno di Surinam.

E Italianonan, como unico pais di EEG qu ta exporta arros, interesa den un posicion favorable contra e import for di paisnan qu no ta den EEG. E posicion di Surinam y di reino Ulandes qu arros for di un pais asociado base di e stipulacionnan existente mester tin mes un posicion favorable qu paisnan miembro di EEG.

WE WISH TO EXPRESS OUR
SINCERE APPRECIATION FOR THE MANY
GOOD WISHES RECEIVED ON THE OC-
CASION OF THE INAUGURATION OF OUR
PLANTS.

Aruba Chemical Industries N.V.
Antilles Chemical Company



**Fisher stereo su aparatonan ta cara na
Estados Unidos...pero no na Aruba!**

Expertonan di High Fidelity na E.U. ta paga cara pa potente stereo amplifiers, ultra-sensitive tuners, all-in-one receivers y three-way loudspeaker, fabrica pa Fisher. Nan ta obliga di paga e prijsnan aki si nan ta exhi equipo di mehor. Nada pero un Fisher ta zona manera un Fisher. Sin embargo, bao di e sistema internacional actual di Fisher, residentenan na Aruba tin oportunidad unico pa compra aparatonan Fisher directamente for di fabrica di Fisher na prijsnan di exportacion.

Esaki ta duna un ahorro „fantastico,, y creible,, manera entusiasnan den Surinam a exclama. Tur modelonan pa equipo Fisher ta obtenible den voltage y frecuencia di e cliente di bo vecindario. Pa informacion detallada tocante e programa aki di directam for-di-fabrica, scribi:

**FISHER RADIO INTERNATIONAL
INC**
Dept. 4, Long Island City
N.Y., 11101, U.S.A.



Gezaghebber Interino I.S. de Cuba, cortando e sinta, efectuando asina e inauguracion oficial di e clubhuis nobo di R.C.A. na Solito.

MAS CARTA PA SANTA CLAUS



Apreciable Santa Claus,
Santa Claus com bai, ami ta bon, mi ta haya Santa Claus masha lief cu tur mucha mag di pidi Santa Claus un regalo.
Santa Claus mi ta biba na Rondweg No. 80. Mi ta den 3de klas Santa Claus mi kier pa Santa Claus trece pa mi un peuzel i un picop. Mi tin un, pero el a kibra anto Santa Claus trece un set di scopet chikito pa mi ruman chikito di 2 anja y un aeroplano grandi pe tambe. Mi ta spera cu mi no a pidi Santa Claus hopi. Y masha masha danki. Santa Claus.

Mi number ta: Jacobo Maduro. Y e number di mi ruman chikito ta: Malkel Frderik Maduro.

Mi ta biba na: Rondweg No. 80,

Dakota, Aruba N.A.

Apreciable Santa Claus,

Aki mi ta hasi Santa Claus dos letter di cual mi ta spera cu Santa Claus lo aprecie. Santa Claus nos ta ocho ruman. Wel seis ta mucha homber y dos ta mucha muher. Santa Claus mi ta spera cu Santa Claus lo tin un regalo pa nos tur y pa Papy cu Mamy tambe. Santa Claus mi ta spera cu Santa Claus lo aprecia mi carta i di antemano masha danki. Mi ta bay scirbi e nombrenan di mi rumannan y e regalitonan cu nan ta desea. Y mi ta sirbi e cuminzamento di e nombrenan. T. kler un ballpoint. F. un pen, M. un sonfonia, R. un copet di korki, E. un auto, R. un bala. Papy un kaha di sigaar chikito. Mamy un caha di chocolari. Awor mi ta termina mi carta cu un cordial saludo pa Santa Claus y di antemano masha danki. Ayoo Santa Claus.

Mi number ta A.D.
Mi adres ta Shiribana No. 32
Paradera Aruba, N.A.



Lieve kerstmannetje. 13-12-'63
Goeie morgen lieve kerstmannetje. Ik breng U de groeten namens mijn zusje en mijn broertje en natuurlijk ook van mijn. Meneer de kerstmannetje, al ben ik niet groot, maar toch wist ik een paar woorden tot u te richten. Ik vraag niet veel kerstmannetje. Omdat ik in de derde klas zit en pas tien jaar ben, vraag ik van U een mooi leesboek, plakprentjes en een schooltas. En meneer de kerstmannetje ik heb een hondje en als die groot wordt zal ik hem naar U sturen, opdat u hem voor U wagen zal spanen. Lieve kerstmannetje, ik ga mijn brief eindigen en ik hoop dat het U ter harte zal vallen. Dag lieve kerstmannetje.

Van Lillian Arambatzis,
Sibiisstraat No. 20
Oranjestad, Aruba.

Aruba 7-12-'63
Estimado Santa Claus,

Mi ta spera cu ora e carta aki jega serca Santa Claus, cu Santa Claus ta bon, manera cu ami ta desea pa Santa Claus. Santa Claus mi deseo mas grandita, cu mi ta bata kler cu Santa Claus por a trece pascu mainta, un bunla servies, cu su hasetje pa pone cuminda pa tur mi popchinan. Mi tin hopi popchi. Anto ta un servies mi ta desea pa mi hanja. Basta cu no ta mucho molester pa Santa Claus. Mi ta biba na Fortheuvelstraat 50. Mi ta gusta lesa e storianan di Dick Tracy cu ta bini den Arubaanse Courant. Ricibi hopi saludos di mi. Mi ta spera cu pasco mainta Santa Claus corda riba mi.

Santa Claus su sirvidora,
Deborah Lisbeth Frank.
Fortheuvelstraat 50.
San Nicolaas, Aruba.

Feliz Pascu
Santa Claus
For di
Debby.

Apreciable Santa Claus
Santa Claus com bai, ami tw bon mi ta haya Santa Claus, masha lief cu tur mucha mag di pidi Santa Claus un regalo.
Santa Claus mi ta biba na Rondweg No. 80 mi ta den 3de klas. Santa Claus mi kier pa Santa Claus trece pa mi un peuzel i un picop.
Mi tin un pero el a kibra anto Santa Claus trece un set di scopet chikito pa mi ruman.
Mi ruman chikito di dos anja y un airo piano grandi pe tambe. Mi ta spera cu mi no a pidi Santa Claus hopi.
Y masha masha danki Santa Claus.

Mi number ta : Jacobo Maduro
Y e number di mi ruman chikito ta:
Malkel Frederik Maduro.

Mi ta biba na: Rondweg no. 80
Dakota
Aruba N.A.

Estimado Santa Claus

Bon dia Santa Claus con ta bai. Ami ta bon, y mi ta masha contento di por scirbi Santa Claus via Arubaanse Courant.
Santa Claus mi ta pidi Santa Claus pa rgalo un cacho chikito, un cacho blanco yen di lana. Mi ta spera cu Santa Claus lo manda mi e cache pasebra mi tin masha deseo di hanja un cacho

di lana.
Sinterklaas no lubida riba mi.
Ajoo.
Mi number ta: Jeanette Lampe
Pastoor Hendrikstraat 88.
San Nicolas Aruba.

Apreciable Sin terklaas.
Con ta bai Sinterklaas. Cu mucho gusto mi ta scirbi e dos letternan aki na Sinterklaas, mi ta spera cu Sinterklaas lo ta bon, manera mi ta desea.
Sinterklaas mi a lesa den Arubaanse Courant cu Sinterklaas ta manda regalo pa e muchanan, cu ta pidi Sinterklaas un regalo, wel Sinterklaas mi tambe kier manda pidi Sinterklaas un bunita regalo. Sinterklaas ta masha bon pa nos. Mi kier pa Sinterklaas manda mi un kerstboom dorná cu bala i cu regalo na dje pa mi ponele den cas pasco.
Sinterklaas mi tin un ruman chikito tambe cu ta desea un cos di hunga. E kier pa Sinterklaas mande un popchi grandi bunita i gordo, pa e hunga. Mi ta kere cu Sinterklaas lo hari poco cu e popchi gordo cu mi a pidi. Mi ta stop te aki cu mi carta, sperando riba e regalonan. No lubida riba mi. Ayoo Sinterklaas.
Dominico Vrolijk Papijon 21.

Con ta bai Santa Claus. Con ta bai Zwarte Piet. Mi a lesa den Arubaanse Courant cu ami tambe por hanja un regalo cerca Santa Claus. Esaki ta mi deseo mi kier un radio transistor. mi kier un radio transistor. Mi ta spera cu Santa Claus lo corda riba mi. Ajoo Santa Claus.
Ayo Zwarte PIET.

Carlos Goeloe.
W.R.H. 9.
San Nicolas. Aruba.

Con ta bai Santa Claus.
Mi ta spera cu ora es cartica aki llega cerca Santa Claus e ta encontra Santa Claus bon di salud, manera mi curazon ta desea. Ami ta un mucha homber di 10 anja. Mi ta den 4de klas. Mi kier pidi Santa Claus un regalo, kiko cu e ta, ta bon, mi ta keda contento cu kiko cu e ta. Sea cos di hunga of otro cos. Y mi ta pidi Santa Claus tambe pa trece pidi Santa Claus tambe pa trece un helicopter chikito di hunga pa mi ruman homber di 5 a ja tambe.
Pasonbra tur dia e ta lora pa mi scirbi Santa Claus. Ese, ta tur cos Santa Claus.
Mi ta gradici Santa Claus pa tur su bondad.


Josy y Nelson Henriquez.
Dr. Henriquezstraat 3.
Oranjestad, Aruba.



Con bai Santa Claus? Ami ta bon. Santa Claus ta hopi cansa no? Ma toch mi ta haya cu Santa Claus ta hopi flet mes, pasombra tur mucha tin mag di pidi Santa Claus regalitos. Mi kier pa Santa Claus trece un pesebre pa mi pone banda di kerstboom. Amti mi kier un popchi cu cabel pa mi penjé. Anto un auto pa mi ruman homber chikito. Mi ta spera cu mi no a pidi Santa Claus muchu hopi. Mashar danki Santa Claus.

Mi number ta: Myrna Violeta Henriquez, Kamay No. 5.
Noord Aruba.
ne banda di kerstboom. Anto mi

Estimado Santa Claus,
Bon dia Santa Claus con ta bai. Ami ta bon, y mi ta mashar contento di por scirbi Santa Claus via Arubaanse Courant. Santa Claus mi ta pidi Santa Claus pa regala mi un cacho chikito, un cacho blanco yen di lana. Mi ta spera cu Santa Claus lo manda mi e cacho pasombra mi tin masha deseo di hanja un cacho di lana.
Sinterklaas no lubida riba mi. Ajoo.
Mi number ta: Jeanette Lampe.
Pastoor Hendrikstr. 88.
San Nicolas. Aruba.



Cartanan cu lo worde ricibi despues di dia 20 di december p.v. nos no por manda mas pa Santa Claus como cu nan no ta jega na tempu mas.

HOROSCOPO PERSONAL

Diamars 17 December.

ARIES 21 maart - 20 april.
Tene hopi cuidao cu flamentu di cos. Mas den dia bo opinion ta mehora. Ta un bon dia pa diverticion y placer.

TAURUS 21 april - 21 mei.
Asuntunan di bo partner of bo familia tin preferencia. No spera atencion especial of fabornan di otro nan.

GEMINI 22 mei - 21 juni.
No perde curashi si di repente nan pidi bo algu of ta surgi problemanan inespera. Bo por vence basta bo mes kler.

CANCER 22 juni - 22 juli.
Cuminsamentu di dia por trese desarollonan inespera cu ta brucha bo programa un poco. Loke ta mas importante ta bai dilanti.

LEO 23 juli - 23 augustus.
Tene poco pasenshi cu hendenan emocional rond di bo. Asuntunan menos importante por danja hopi. No viaha of sali.

VIRGO 24 augustus - 23 september.
Contactonan cu hendenan den bo vecindario por causa tension. Mas den dia esey por mehora. Den amor por tin un sorpresa pa bo.

LIBRA 24 september - 23 oktober.
Ta bira tempo pa paga mas atencion na bo finanzas. Traha un presupuesto di bo gastonan y adapta bo mes na esey.

Pa talisman, Perfume, Incensio
Perfume pa banja y laba cas,
tambe bela di tur color, acudi na

„NICOLAAS STORE„

Tel. 5385 - San Nicolas.

SCORPIO 24 oktober - 23 november.
Tene cuidao cu desunion awe; no eherce muchu autoridad. Cu calma y cooperacion bo ta logra mas. Bo opinion ta bon awe.

SAGITTARIUS 23 november - 22 december.
Bo por sinti bo mes poco pesimista awe y pensa cu bo no por domina e situacion mas. Esaki ta pasa, no actua bao di depresion.

CAPRICORNIUS 23 december - 20 januari.
NO HASI COS AWE CU POR

NO HA

NO hasi cos awe cu por causa desunion cu bo amiguan of familia. Tene bo mes poco conservativo awe, ta mehor.

AQUARIUS 21 januari - 19 februari.

Asuntunan di trabao y negoshi ta hanja preferencia awe. No spera mucho cos di otro nan, bo mes lo tin di actua awor.

PISCES 20 februari - 20 maart
Awe por bini un desarollo completamente of un noticia. No conta riba otro nan den asuntunan importante; nan ta desapunta bo.

AGENDA

ARUBAANSE COURANT

diariamente cu excepcion di diadomingo

subscription f. 3.25 pa luna edicion los 20 ct.

edita pa:

N.V. Arubaanse Drukkerij - en Uitgevers - en Publiciteits Mij.

imprimi na:

N.V. Drukkerij „de Stad,,

Telefoon 1116 Directiva y redaccion, 2116 Anuncio y subscription.

Directeur hoofdredacteur: D. Wolff.

CINE

Dialuna 16 December.

De Veer: 8.30 p.m. "Days of wine and Roses" 18 j
Rialto: 8.00 p.m. "The Black Pirate" 18 j
Principal: 8.00 p.m. "I thank A Fool" 18 j
Aurora: 8.00 p.m. "Los Cinco Halcones" all
Savaneta: 8.00 p.m. "The Castilian" 18 j

BOTICANAN DI WARDA

Oranjestad Botica Oduber Tel. 1780. San Nicolas, Botica San Lucas Tel: 5119

BOKTERMAN DI WARDA

Oranjestad Noord. Dr. J.R. Leo
San Nicolas-Sta Cruz-Sav. Dr. J.G.H. Janssen

WIT-GELE KRUIS

Oranjestad: Zr. Ewolda,
San Nicolas: Zr. Perpetua
Santa Cruz: Zr. Ludovic

TELE-ARUBA

05.30 Cartoons
06.00 Panorama Pan Americano
06.30 Annie Oakley
06.45 Papiamento Newscast Live & Filmmews
07.00 The Flintstones
07.30 Sports News
07.45 I Love Lucy
08.15 Have Gun Will Travel
08.45 English Newscast Live & Filmmews
09.00 Dutch Film
10.00 Sign Off.

RADIO CARACAS TELEVISION

8.45 Senderos de luz
9.00 Caja con sorpresas
9.30 Jardin de infancia
10.00 Ingles por T.V.
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y aparte
14.45 Estudio Hector Monteverde
15.15 Perfecta ama de casa
15.45 Aventuras de Popey y Yeyo
16.15 Mejillas y sus muchachos
16.45 Buque su marca
17.15 Mr. Magoo
17.45 Noticias
17.50 Ajedrez fatal
19.00 Markham
19.30 La Ley del revolver
20.00 El observador
20.15 Novela
20.30 Radio Rochela
21.00 M. Squad
21.30 El Show de Dick Powell
22.30 Noticias
22.35 Cine para todos

8.45 Senderos de luz
9.00 Caja con sorpresas

Exitoso fiesta di Lago

Palm Beach, 16 December.
Rond di e piscina di Aruba Caribbean Hotel-Casino e fiesta di Pasco, cual annualmente ta worde organiza door di Lago pa cientos di empleadonan di gobierno, a tuma lugar Diabierne anochi ultimo den un esfera di bon comento, bebemento, musica y amistad. Rapidamente e esfera di custumber tabata reina. y si e botternan bashi di cerbes a worde poni den e piscina anto esaki endudablemente lo tabata chiquito. Senyor F. C. Donovan a desea tur na cuminsamento y cabamento di e fiesta aki, un feliz Pasco na nomber di directiva di Lago, mientras cu Gezaghebber interino I.S. de Cuba a declara di ta contento cu e relacion bon semper a existi y ainda ta existi entre gobierno y Lago. Tambe el a duna su miho deseonan na nomber di gobierno na Lago. E ganadornan di e macutonan di Pasco, yen di diferente cosnan dushi cual e anja aki tambe a worde rifa entre e ambtenaarnan a bai pa senjornan Van den Berg (Polis), Martinus (Polis), Lacle (douane) Delannoy (douane), Kuiperi (Oficina di turismo) Tromp (postkantoor), Simmons (Sociale Zaken), Kooistra (polis) Hazenberg (servicio di sanidad), Sadig (douane). Senyor Bill Hochstuhl e anja aki tambe tabata encarga cu e ceremonia cual el a haci perfectamente. Algun artistanan cu fama internacional a percursa hunto cu e orkesta di George Fasola pa e programa di show.

DESEO PA BO AMOR

Sin bisa palabra Eugenio ta drenta den sala y parce cu e ta asina ocupa cu su mes pensamentunan cu e nota ripara Jacinta mes. Clyde Perry no tin expresion riba su cara, ora e ta bai pura serca Jacinta pa dune man y ta keda para banda di dje. Eugenio ta keda na e stop banda di e mesa cu su dos man riba e mesa y ta busca palabra. Porfin su voz ta kibra e silencio. Clyde ta hinka su dos man den sacunan di su bachi y ta warda ketu, mientras cu Jacinta en vano ta trata pa hanja un senja di dje. -Jacinta.... mi mester bisa bo algu.... Quizas bo mes por a sinti durante e ultimo dianan... Mi no ta bo esposo Frank. Mi ta Eugenio bo swa... Frank ta morto.... Un silencio peligroso ta sigui despues di e poco palabranan aki. Perry ta waak Jacinta di manera calmo sin expresion y no ta move. Tambe Jacinta ta keda manera babuka. Pero e ora e ta cai siña den un stoel y ta coge su cabes tene. Eugenio ta sigui papia cu su cabes abao: -Frank tabatin miedu, cu bo lo tuma su morto muchu pisá. Jacinta.... Mi a priminti cu mi lo hasi mi best pa no haci bo dolor. Ora cu nan a derra Frank, mi a traha e plan idiota, pa simplemente tuma su lugar y declarala mi mes pa morto. Nos parce otro asina hopi.... Mi tabata spera anto... mi a kere cu mi plan lo logra. Bo no por imagina bo mes kiko mi no a pasa durante e promer dianan, ora cu mi a tra-

ta pa actua como esposo, e diferencia entre ami y Frank u navez ta muchu grandi... Mino kiko a pone mi sigui hunga wega y simula un enfermedad. Y cu cada dia cu tabata pasa mi desesperacion tabata aumenta. Mi a laga e momento adecuado pa un confesion pasa caba. Mi tabata sali mainta for di casa pa asina no bisa algu cu lo por a traiciona mi, mi tabata evita tu encuentro cu conocirnan.... N. Starnberg mi a nasi e promer intento pa bisa bo berdad. Pero abo no a kere y tabata tume p chanza. Porfin mi a bai serc Brigitta Storm, cu mi tabata co noce di antes. Mi a conte di e situacion den cual mi a hinka mi mes y tambe abo. El a duna su abogado orden pa pone tur cos ariba papel, pasombra ami no tabata tribi mas pa waak b den bo cara. E ora senyor Perry a jega. El a reprocha mi tocant mi comportacion, pero e tambe a kere cu mi tabata Frank. Mi a pone na altura, y e ora el propone pa mi bisa bo tur cos personalmente. Awor mi ta par bo dilanti anto, Jacinta pa pon bo na altura di Frank su morto y sey bao di circunstancianan hopi mas malu cu mi por a i imagina. Perdona mi cu mi ganja bo asina, un dia mi lo mester a bisa bo. Jacinta a hisa su cabes y su wowonan ta serio. Bo ta kiboka bo mes Eugenio, ta bisa trankil. Bo no tabatin n do di bini mas. Mi a hanja e acti di fallecimiento den bo maleta

ORKESTA FRED MULLER UN SORPRESA DI CLASE MAYOR

San Nicolas, 16 December.
Mescos cu ta lastima pa un bonita flor flor dilanti un cas bashi y un bunita senjorita camna den un calia retira, asina triste ta tambe ora cu Orkesta Fred Muller toca pa un sala bashi. E orkesta aki di tal manera no ta hanja loke e merece. Diabierne anochi nos tabatin e oportunidad hunto cu 29 hende mas pa scucha e presentacion den Wesley Auditorium di e orkesta cual algun luna pasa a worde estableci, y nos tin di bisa cu loke e 15 artistanan aki a presenta te ainda no tabatin y no tin su igual na Antillas. E oyente ta sera conoci aki cu un orkesta completo, cual ta ofrece e presentenan un banket cu diferente smaak. Aki ta worde muestra kiko ta disciplina di un orkesta, cual unicamente por ta e resultado di practicamente intensivo y hopi tempo. Fred Muller a trece hunto den su orkesta io miho di miho: casi tur tocador ta un solista di gran caliber. Insidernan endudablemente kler sabi kende esakinan ta. E orkesta completo


tin como dirigente Fred Muller (promer altsax y klarinet), T. Nicholson (promer tenosax klarinet), Carl Hicks (segundo tenosax y klarinet), manag Gene Ringeling (tercer tenor sax y klarinet) H. Hasham (promer trompet), A. de Graaf (segundo trompet), Oscar Steba (tocad huesped: tercer trompet), E. C. Cha (trombone), S. Brown (bafon), S. Bryon (bas), S. Cruz (drums), C. Sommerso (drums), y cantadornan: Per Cromatry, Frienda Carter, y Rafael del Rosario.

Fred Muller a trata di forni un orkesta cu un repertoire varia. Door di esaki el a logra no unicamente presenta music ballable alegre, pero tambe ja puro den formanan di blues, xyland y jazz progresivo. Fue di esaki e ritmo Latino Americano ta forma un gran parte di su repertoire. Y na Aruba y Cursow e calidad special di e orkesta ta worde descubri y mas y mas contact ta drentando. Pero diabierne dia 13 ultimo probablemente interes di publico a keda calla. Kizas pa motibu di e cha.....??

DICK TRACY pa cortesia di:

Antillian Hardware Co.

E miho adres pa VERF, KWASHI, TUR HERMENT, ARTICULOS SANITARIO



DICK TRACY 6-17-63

1. "Nunca bo no mester a desculda di Dropout".
2. "Pero e tabata pintando den e hoeki algun minuut pasa. Pero mi a tende un grito".
3. "El nan, den e garoshi di cable".
4. "Laga mi sali fel aki deni".